



07135

讀書雜識卷第三



和勞

格著

歸安丁寶書述

晉書校勘記 上 稿本 缺首尾

天文志中

此志有盧學士文昭校本刊於羣書拾補初集凡盧氏所舉正者概不著錄

少帝正始四年五月丁丑朔日有蝕之 國志齊王紀失

書日宋志無此食考長厯是年四壬辰朔六辛卯朔五

月是壬戌朔丁丑月十六日不當食

六年四月壬子朔日有蝕之 齊王紀無此食案四月辛

亥朔非壬子也 宋志無朔字

雜識三

一月河精舍叢鈔

十月戊申朔又日有食之 宋志作戊寅朔誤盧學士云

當是庚申朔亦非

元帝景元三年十一月己亥朔日有蝕之 宋志作三月

以長厯考之則宋志誤也 長厯三壬寅朔十己巳朔則十一月是己亥朔

太始七年十月丁丑朔日有蝕之 宋志無此食有五月

庚辰日食

惠帝元康九年十一月甲子朔日有蝕之 宋志作十月

誤

成帝咸和六年三月壬戌朔日有蝕之 宋志無此食

九年十月乙未朔日有蝕之是時帝既冠當親萬機而委

政大臣著君道有虧也 案是年十月辛丑朔非乙未朔
盧云此因下咸康元年十月乙未朔誤衍是時已下二
十字當移於下條

義熙十年九月丁巳朔日有蝕之 宋志作己巳誤
十一年七月辛亥晦日有蝕之 宋志脫十一年二字

元帝太興四年二月癸亥日鬪三月癸未日中有黑子辛
亥帝親錄囚徒 宋志無日鬪三月癸未六字二月作三
月案是年二庚寅四己丑朔則三月是庚申朔癸亥三
月四日當從宋志爲是辛亥上脫四月二字

明帝太寧元年正月己卯朔日暈無光 宋志作己丑朔
二月河精舍叢鈔

考長厯永昌元年閏十二疑當己卯朔太寧元年三

戊寅朔則正月當是己卯朔宋志誤也

成帝咸和九年七月白虹貫日 宋志無下咸康二年白

穆帝升平三年十月景午日中有黑子大如雞卵少時而

帝崩 長厯三年十乙卯朔無景午四年十庚子朔丙午

午月之七日三年疑是四年之譌

太和六年三月辛未白虹貫日 宋志作二月誤長厯二

則三月是庚午朔
辛未月之二日

簡文咸安二年十一月丁丑日中有黑子 長厯十庚申

十二己未朔十一是庚寅朔無丁丑

義熙元年五月庚午日有彩珥 長厯五辛巳朔無庚午
孝懷帝永嘉五年三月壬申景夜月蝕既丁夜又蝕既

宋志作丙申夜月蝕既丁酉夜又蝕既無壬申二字考
長厯二戊子五丁巳朔三月是戊午朔無丙申丁酉

青龍二年十月己一作乙丑月又犯填星 宋志作十一月

乙丑案十月壬子朔無己丑十一壬子朔無乙丑下有
戊寅則乙丑是也 本紀作乙丑

咸康六年四月甲午月犯太白 宋志作甲子案四月己
巳朔無甲子

太安三年正月己卯月犯太白 案正月己亥朔無己卯
雜識三 三月河精舍叢鈔

元帝太興二年十一月辛巳月犯熒惑 案十一戊戌朔
無辛巳

成帝咸康元年二月乙未太白入月四月甲午月犯太白
二月己亥朔無乙未四月戊戌朔無甲午

興寧二年正月乙卯月掩歲星在參 宋志作三年
十二年帝殺悅於市 宋志作十三年

十三年十一月戊子辰星入月在危 宋志作十二月案
十二丙戌朔戊子月之三曰

隆安四年六月乙未月又犯填星 宋志作己未案六月
庚辰朔無己未

三月景辰劉裕起義兵 三月當作二月

齊王冏兵敗夷滅又殺其兄上軍將軍寔 案寔是冏弟

非兄也志誤

元帝太興二年七月甲午歲星熒惑會于東井 宋志無

案七月庚子朔無甲午盧學士云當是衍文

三年六月景辰太白與歲星合于房 通鑑目錄作二月

成帝咸康三年十一月乙丑太白犯歲星于營室 十一

月癸未朔無乙丑

穆帝永和四年五月熒惑入婁犯填星其年石季龍死

其年當作明年

雜識三

四月河精舍叢鈔

六年三月戊戌熒惑犯歲星 三辛丑朔無戊戌

七年三月戊子歲星熒惑合于奎 三丙申朔無戊子

太元十七年十二月癸酉填星去 十二月癸巳朔無癸

酉

義熙二年二月癸亥熒惑填星太白辰星聚于奎婁 二

月辛未朔無癸亥

六月辛卯熒惑犯辰星 宋志作八月

十四年十月癸巳熒惑入太微 十月癸亥朔無癸巳

天文志下

黃初五年十月乙卯太白晝見 宋志作十一月辛卯

青龍三年三月辛卯月犯輿鬼 宋志作二年

四年閏正月己巳填星犯井鉞 宋志作閏四月乙巳誤

景初二年五月乙亥月又犯心距星及中央大星 案五

四月辛卯朔無乙亥當从宋志作己亥

正始三年二月太尉滿寵薨 本紀在三月

五年二月曹爽征蜀 宋志作三月誤

甘露元年七月乙卯熒惑犯東井鉞星壬戌月又犯鉞星

七月乙亥朔無乙卯壬戌

九月丁巳月犯東井 九甲戌朔無丁巳

於是遣督護喬球率眾救彪 宋志作高球

雜識三 五月河精合彗鈔

十一月廢弘自立 宋志作十月誤

咸康元年八月戊戌熒惑入東井 宋志作戊辰案八丙

申朔無戊辰

四年五月戊戌熒惑犯右執法 宋志作戊午案五庚辰

朔無戊午

六年三月甲辰熒惑犯太微上將星 宋志作甲寅

四月景午太白犯畢距星 四月己巳朔無丙午

六月乙卯太白犯軒轅大星 六月戊辰朔無乙卯

七年八月辛丑月犯輿鬼 八月辛酉朔無辛丑

康帝建元二年正月壬午太白入昴 五月丁未朔無壬

午

永和二年四月景戌月又犯房上星 四月甲午朔無丙

戌

八月壬申太白犯左執法 八月壬辰朔無壬申

四年十月甲辰月犯亢 十月庚戌朔無甲辰當從宋志

作甲戌

八年八月戊戌熒惑入輿鬼 八月戊午朔無戊戌

景辰太白入南斗 八月無丙辰

十年正月己卯月蝕昴星 正月己酉朔無己卯己卯二

月朔日下有癸酉知己卯字誤

雜識三

六月河精舍叢鈔

三月甲申月犯心大星 三月戊申朔無甲申

升平二年十二月辛卯填星犯軒轅大星 宋志無十字

下有六月知宋志是也案十二月無辛卯辛卯十一月

十一日

四年正月慕容儁死子暉代立慕容恪殺其尙書令陽鶩

等 陽鶩卒于晉海西公太和二年十二月慕容恪卒

于二年五月恪安得殺之乎恪所殺者太師慕容輿根非

陽鶩也

五年九月乙酉月奄畢 九月乙未朔無乙酉

十月丁未月犯畢大星 十月甲子朔無丁未

太元十五年九月癸未熒惑入太微 九月丁未朔無癸

未

十月太白入羽林 宋志作十一月

十七年七月丁丑太白晝見 宋志作九月

二十一年四月壬午太白入天囷 四月甲辰朔無壬午

安帝隆安二年六月郗恢遣鄧啟方等以萬人伐慕容寶

于滑臺敗而還 寶當作德

五年十月甲子月犯東次相 宋志作十月戊子月犯東

蕃次相

元興元年三月戊子太白犯五諸侯 宋志作二月案三

雜識三

七月河精舍叢鈔

月己巳朔戊子月廿日知宋志誤也

二年十月甲戌太白犯泣星 十月辛卯朔無甲戌

十一月丁酉熒惑犯東上將相 宋志作十一月丁丑熒

惑犯填星案十一月庚申朔無丁酉

升平元年冬魏破姚興軍 升平字誤當作元興

三年正月戊戌熒惑逆行犯太微西上相 正月己未朔

無戊戌

五月壬申月奄斗第二星 宋志無

填星入羽林 据通鑑目錄填星上脫壬辰二字案五丁

巳朔無壬辰

義熙元年九月甲子熒惑犯少微 九月己卯朔無甲子
三年二月庚申月奄心後星 二月辛未朔無庚申當从
宋志作庚寅

四年六月乙卯又犯左執法 六月癸亥朔無乙卯當从
宋志作己卯

五年閏月己巳月奄心大星 閏十月乙酉朔無己巳宋
志作己酉案上有丁酉辛亥則己酉亦誤

六年七月己亥月犯輿鬼 七月辛亥朔無己亥
七年十一月景子太白犯哭星 十月甲辰朔無丙子當

依宋志作丙午

雜識三

八月河精舍叢鈔

八年七月癸亥月奄房北第二星己未月犯井鉞 七月
己巳朔無癸亥己未

十一月丁丑填星犯東井 宋志作十月誤十一月丁卯朔丁丑十一

九年誅劉蕃謝混討滅劉毅 九年當作九月

十年裕討司馬休之 十年當作十一年

十一年三月丁巳月入畢 宋志作二月誤三月甲寅朔丁巳月四日

十一月癸亥月入畢 十一月庚辰朔無癸亥

十四年三月癸巳太白犯五諸侯 三月丙申朔無癸巳

十月癸巳熒惑入太微 十月癸亥朔無癸巳

恭帝元熙元年正月乙卯辰星犯軒轅 通鑑目錄作己

卯案正月壬辰朔乙卯月之廿四日目錄作己卯誤也

七月己卯月犯太微太白晝見 七月己丑朔無己卯

十二月丁巳月入太白俱入羽林 十二月己巳朔無丁

巳

嘉平三年十一月癸亥有星孛于營室 宋志作癸未案

十一月癸卯朔無癸未宋志誤

元帝景元三年十一月壬寅彗星見亢色白長五寸 宋

志作五丈

太元十五年七月壬申有星孛于北河 本紀作丁巳

雜識三

九月河精含叢鈔

義熙十四年五月庚子有星孛于北斗魁中 宋志作壬

子

懷帝永嘉元年九月辛卯有大星如日自西南流于東北

小者如斗相隨天盡赤聲如雷 九月戊申朔無辛卯當

从本紀作辛亥

四年十月庚子大星鹵北墜有聲 本紀作西南

太寧二年王敦殺譙王承及甘卓 太寧二年當作永昌

元年

永昌元年七月甲午有流星大如瓮長百餘丈青赤色从

西方來尾分為百餘岐或散 七月壬子朔無甲午

升平二年十一月枉矢自東南流于西北其長半天 宋

志作十二月

惠帝永興元年十二月壬寅夜有赤氣亘天砰隱有聲

十二月甲子朔無壬寅 本紀在大安二年

地理志上 此志鎮洋畢尚書有補正五卷梁于經訓堂叢書凡畢氏所已糾正者皆不著錄畢氏之說亦間有可商

者摘錄之

魏武所省者七 上郡朔方五原雲中定襄漁陽廬江 國志明紀青龍三年

正月己亥復置朔方郡是魏後復置朔方郡矣景初二

年六月省漁陽縣之狐奴縣復置安樂縣 安樂志屬燕國 劉靖

碑云東盡漁陽潞縣 水經注引案潞縣屬燕國 魏收地形志漁陽郡

雜說三 十月河精舍叢鈔

于雍奴潞二縣則云晉屬燕國後屬于無終土垠徐無

三縣則云晉屬右北平後屬張華傳父平魏漁陽郡守

後又清惠亭侯京傳以漁陽郡益其國是魏後復置漁

陽郡至晉始并入燕國也又考地形志云漁陽晉罷後

復石勒載記趙國二十四郡其一為漁陽則漁陽不久

復立為郡也宋書武帝紀遠祖某魏定襄太守是魏又

置定襄郡矣志于并州幽州篇皆失補載未免漏略又

案揚州篇云廬江郡漢置不云魏省宋志通典皆同考

國志武紀亦不云省廬江郡又考漢末為廬江太守者

建安四年有太守劉勣五年有太守李術十九年有太

守朱光又劉靖于黃初中爲廬江太守疑魏武未嘗省廬江郡也志云魏省恐誤

河南郡統縣十二洛陽河南鞏河陰新安成臯緱氏陽城新城陸渾梁陽翟 太康地志云新安縣屬河東郡又云

河南郡有東垣縣畢氏云晉志無東垣縣案魏收地形志東垣縣二漢晉屬河東考漢書地理志續漢書郡國

志有垣縣無東垣縣晉志河東郡有垣縣云王屋山在東北沈水所出案張湛列子湯問注云王屋在河東東垣

縣郭璞山海經三北山經注王屋之山今在河東東垣縣北或以東字爲衍文誤又郡國志垣縣有壺丘亭杜預左氏襄元年傳注云河東東垣縣東

雜識三

七月河精舍叢鈔

南有壺丘則垣縣卽東垣縣但二漢名垣縣晉名東垣志屬河東太康地志屬河南爲稍異耳非別有東垣縣也

滎陽郡泰始二年置 水經濟水注魏正始三年歲在甲

子被癸丑詔書割河南郡縣自鞏闕以東創建滎陽郡并戶二萬五千以李勝爲郡守魏略李勝傳亦云累遷

滎毛陽太守魏書曹爽傳注又國志傅嘏傳拜滎陽太守孫禮

傳遷滎陽郡尉晉書魏舒傳爲滎陽太守亦在魏世則

是郡非晉置明甚然宋書州郡志亦云太始元年分河南立豈魏後廢而晉復立邪又滎字當从火作滎此从

水作滎誤

陳留國統縣十小黃浚儀封丘酸棗濟陽長垣雍丘尉氏襄邑外黃 州郡志云扶溝太康地志屬陳留地形志亦

云扶溝晉屬陳留是陳留所統者非僅十縣也 州郡志又云晉惠分陳留為濟陽國領考城太康地志無郵城二

縣案元敬虞皇后傳濟陽外黃人是外黃亦屬濟陽矣趙王倫子馥封濟陽王見倫本傳

濮陽國統縣四濮陽廩丘白馬郵城 州郡志永初郡國

有東燕郡江左分濮陽立領燕縣白馬平昌考城凡四縣燕前漢曰南燕後漢曰燕並屬東郡太康地志屬濮

雜識三

三月河精舍叢鈔

陽又地形志東郡東燕晉屬濮陽後屬是濮陽又有燕縣晉志不載疑誤脫也或据胡身之通鑑音注以為晉

初省燕縣故晉志不載案此說非也杜預春秋土地名

凡四引東郡燕縣隱五年燕僖二十四年胙定八年瓦哀十六年平陽水經

河水注河水自酸棗東北過延津又東逕東燕縣故城北通鑑晉紀永嘉六年石勒自葛陂至東燕胡身之曰兩

漢志東郡有燕縣無東燕縣其卽是歟元和郡縣志晉安帝時東郡燕縣流入入鍾離者于鍾離置燕縣又潘

岳傳弟燕令豹皆晉有燕縣之證胡氏所言殊誤又東燕郡當置于惠帝時惠紀光熙元年九月進東嬴公騰

爲東燕王則東燕置郡當亦在是時騰于永嘉元年改封新蔡而東燕郡不廢毛虎生傳督東燕四郡領東燕太守是晉有東燕郡之證志旣失載燕縣因并其立郡事而亦不書未免遺漏又州郡志以東燕爲江左分立亦未免失考江東初立國境不逾淮沈州諸郡淪陷劉石雖兵威屢加亦隨得隨失又何暇畫野分疆析置郡縣乎至胡身之通鑑音注于永嘉二年則云漢東郡燕縣晉省而故城猶在曰東燕城後魏立東燕縣屬陳留于太和四年則云祖逖在豫州時所置兩說自相牴牾不足引以爲證也上司州篇云石季龍分司州之河南

雜識三

三月河精舍叢鈔

河東宏農滎陽兗州之陳留東燕爲洛州則東燕置郡在本志亦有明文

濟陽郡漢置統縣九 考異曰漢無濟陽郡蓋濟陰之誤
卞壺傳濟陰冤句人州郡志于城武離狐二縣竝云晉

太康地志屬濟陰可證今志作濟陽乃傳寫之誤案州

郡志又云南濟陰太守二漢晉屬兗州杜預左氏集解

濟陰成武縣東南有郟城隱十年濟陰句陽縣東北有垂

亭隱八年曹濟陰定陶縣桓九年皆可證陽字之誤通典云

濟陰郡晉爲濟陽郡案樂安王鑿傳以濟陰萬一千二

百一十九戶改爲廣陽國立齊王罔子水爲王是改濟

陰爲廣陽非改爲濟陽也通志誤 郭璞穆天子傳

注灑水今濟陰灑陰縣濟陰當作濟南灑陰卽灑陰灑
陰漢書地理志屬平原郡國志作灑陰灑當作灑古灑

字

高平國故屬梁國晉初分山陽置 晉武改山陽爲高平
非分山陽置高平也志誤

陸湖縣 當作湖陸

濟北國東阿縣 州郡志云二漢屬東郡晉無與此異魏
浚傳東郡東阿人似東阿仍屬東郡矣

泰山郡新泰縣故曰平陽 考異曰春秋宣八年城平陽

雜識三

酉月河精舍叢鈔

杜注今泰山有平陽縣卽此平陽矣其改名新泰据水
經注在晉武帝元康九年元康或太康之誤案元和郡
縣志云太始中鎮南將軍羊祜表改爲新泰縣吳蘭庭
云祜泰山南城人非平陽人祜于泰始中自車騎將軍
貶平南將軍咸寧二年除征南大將軍未嘗爲鎮南且
杜預注左傳在祜卒後如已改新蔡何以復云平陽乎
武帝疑惠帝之誤又云州郡志新泰令魏立屬泰山地
形志亦云魏置則又似非晉置也

汝南郡南頓縣 梁王彤傳咸寧中以陳國汝南南頓爲
次國是南頓嘗屬梁國本志失載

汝陽縣 州郡志汝陽太守太康地志王隱地道無此郡
應是江左分汝南立咸康三年省併汝南後又立領汝
陽武津二縣武津何不注置立案汝陽王熙傳初封汝
陽公討劉喬有功進爵爲王則汝陽置郡當在惠帝時
沈志云江左分立未詳所據

襄城郡泰始二年置 州郡志云魏分潁川爲襄城郡與
此微異

汝陰郡泰始二年復置 本紀泰始元年封皇叔父駿爲
汝陰王則汝陰置郡當在泰始元年志云二年誤

梁國統縣十二 太康地紀云梁國有陽縣今志無此縣
疑誤咸和中寇難南逼戶口南渡因置斯郡治于塗口
志失載

雜識三

五月河精舍叢鈔

安帝又僑立南義陽東義陽長寧三郡 水經沮水注沮
水又東南逕汝陽郡北卽高安縣畋郡治錫城縣居郡
下城故新城之下邑義熙初分新城立又云沮水又屈
逕臨沮縣南晉咸和中爲沮陽郡治也汝陽沮陽二郡
志皆失載案州郡志汝陽太守何志新立先屬梁州元
嘉十一年度荊州宋初有四縣後省汝陽縣領儻陽沮
陽高安三縣何志皆云新立似與酈注不合考南齊書
蠻傳汝陽桓温時割以爲郡則汝陽郡晉時已有之何

志非也

楊州統丹陽吳會稽吳興新都東陽臨海建安豫章鄱陽臨川安成廬陵南部十四郡 今數之止十三郡蓋脫廬陵一郡

鄱陽郡統縣八廣晉鄱陽樂安餘汗鄆陽歷陵葛陽晉興太康地志鄱陽郡有上饒縣

又於尋陽僑置松滋郡遙隸揚州 州郡志云僑立安豐

松滋二郡遙隸揚州此脫安豐二字

桓帝分立高興郡靈帝改曰高涼 下云高涼郡吳置續

漢志高涼屬合浦郡劉昭注補云建安二十五年孫權

雜識二

六月河精含叢鈔

立高涼郡州郡志建安二十三年吳分合浦置高涼則

此云漢桓帝所立者誤矣

吳黃武五年割南海蒼梧鬱林三郡立廣州 廣州篇云

南海蒼梧鬱林高涼四郡此脫高涼二字又誤四爲三也

交阯郡統縣十四龍編苟扇望海羸樓西于武寧朱鸞曲

易交輿北帶稽徐安定南定海平 太康地志平道縣屬

交阯郡安定州郡志作定安

新昌郡吳置 通典云吳分置新興郡晉武改爲新昌州

郡志無此郡

永安六年復分交州置廣州 六年當作七年

臨賀郡 臨賀 太康地志王隱地道記屬南海

桂林郡統縣八潭中武豐粟平羊平龍剛夾陽武城軍騰
太康地志桂林郡有常安縣

靈浦郡統縣五靈浦連道吳安昌平平山 太康地志靈

浦郡有始定縣

元帝分鬱林立晉興郡 水經斤江水注云侵黎水出廣

州晉興郡郡以太康中分鬱林置

哀帝太和中置新安郡 州郡志無此郡又哀帝年號隆

和非太和也疑誤

雜識二

七月河精舍叢鈔

律麻志上

酉一萬九千六百八十二分之八千百九十二 八十二

當作八十三

故待詔嚴嵩 續漢志作嚴崇

命十二律其二中不失一 其二中三字衍

律麻志中

三年十月十五日乙巳日加丑日加未蝕 案黃初三年

十月壬戌朔十五日爲丙子非乙巳十一月辛卯朔十

五日爲乙巳志疑脫一字

土以二年十一月二十五日壬辰見乾象十一月二十八

日丁亥見黃初十一月十八日甲申見先八日 案十一月丁卯朔壬辰二十六日丁亥二十一日與此差一日 二十八日八字疑衍

土以三年十月十一日壬申伏乾象同壬申伏黃初己下十月八日戊辰伏先四日 案十月壬戌朔戊辰月七日與志亦差一日以十一日壬申推之知八字誤也

水以二年十二月十三日己酉晨伏乾象十二月十五日辛亥伏後三日黃初十二月十四日庚戌伏後二日 辛亥後己酉二日庚戌後己酉一日志誤

水以三年五月十八日辛巳夕見黃初五月十一日庚辰見先一日 十一日當作十七日

雜識三

六月河精舍叢鈔

水以三年十一月日子晷度十四日甲辰伏黃初十月八日戊戌先六日 十月當作十一月

律麻志下

以黃鍾之月爲律麻初 律字衍

紀歲中十二 一本紀下有日字

沒分六萬七千三百一十五 一本作二百

甲午紀第四交會差率七十二萬三千七百三十九 一

本作四十九

甲辰紀第五遲疾差率一萬八千八百四十八 一作一

十萬

甲寅紀第六違疾差率十萬八千六百六十八 一作七

萬

求次月加大餘二十九小餘二千四百一十九 一作小

餘二千四百四十九

小寒十二月節限數千二百四十五 一作三十五

立春正月節間數千四百七十七 一作三十七

雨水正月中限數千一百二十九間限千九十二 二十

九一作一十二千九十二作千九十三

驚蟄二月節限數千六十七間限千四十六 千六十七

雜識三

元月河精舍叢鈔

一作六十五千四十六作千二十五

小滿四月中限數八百二十三 一作二十二

大暑六月中限數八百二十五間限八百四十五 一作

四十二

白露八月節限數九百六十三 一作六十二

秋分八月中間限千五十一 一本十下有一字

霜降九月中限數千百三十二間限千百五十七 一作

三十二一千百五十七宋志無千字

立冬十月節限數千百八十一 宋志無一字

小雪十月中限數千二百一十五間一限千二百三十九

一十五一作一十三三十九一作二十九

求次日日加一度分不加經斗除斗分少進退一度

宋志無進字

求次月小月加度二十三分八百六 一作三十二分

推弦望月所在 小分四十四 一作三十四

一日 盈縮績分盈初 初上一本有一字衍文

月行分二百八十一 一作七十疑誤

二日 盈積分一十一萬八千五百四十四 一作三十

四

月行分二百七十七 一作百七十七疑誤

雜識三

三月河精舍叢鈔

三日 盈積分二十二萬三千三百九十二 一作九十

一

四日 月行分二百七十一 一本無一字

五日 月行分二百六十九 一作二百六十七

七日十三度七分損一 一無一字是也

盈積分四十八萬三千三百五十四 一作二百五十四

下八
日同

十一日盈積分四十五萬一千四十二 一作三十五萬

一千四十三案十日盈積分四十一萬三百一十一

日不當更多三萬當以三十五萬為是

十三日 月行分二百三十六 一作二百三十三疑是
十九日 月行分二百四十一 一作二百四十三疑是
二十日 縮積分四十七萬三千八百四十八 一作三
十七萬三千八百三十八疑是

二十一日十二度三分 一作十三度_{二十二日十二度同}

縮積分三十一萬三百二十 一作四十一萬三百一十
二十二日十二度七分損一 一本無一字是也

二十三日 縮積分四十二萬八千五百四十六 一作
四十一萬

二十五日十四度五分 一作三分

雜識三

三月河精舍叢鈔

縮積分三十五萬五千六百三 一作六百二

二十六日 縮積分二十七萬八千九十九 一作六十

九

二十七日 縮積分十七萬三千二百四十一 一作四十

二

周日 損二十五 五一作四

縮積分六萬二千八百二十六 二千一作三千

推合朔交會月餘 餘一作蝕

定大小餘以厯日餘乘所入厯損益率 厯日一作入厯

疑

冬至日中晷影丈三尺三寸 丈三二字疑衍

大寒十二月中虛半強 一本虛下有女字

日行黃道去極度百一十一太強 一作百一十太弱續漢志

同

夜漏刻五十二二分 一作五十三續漢志

雨水正月中室八太弱 一作太強

明中星箕半 半下一有弱字

驚蟄日中晷影六尺五寸五分 一無五分二字續漢志

清明晝漏刻五十八三分 一作二分

穀雨明中星斗六半 斗續漢志作牛疑是

雜識三

五月河精舍叢鈔

立夏四月節畢七 一作畢六太續漢志

日行七十三少強 一作少弱續漢志

芒種五月節井少半弱 少一作十續漢志

少暑六月節柳三太弱 一作柳二太強

立秋晝漏刻六十二二分 一作三分續漢志

夜漏刻三十七八分 一作七分續漢志

處暑晝漏刻六十三二分 三字衍

白露日中晷影四尺二寸五分 一作三寸續漢志

寒露日行黃道去極度九十六太強 一作少強

立冬十月節尾四半強 續漢志作房四度十九分退三

日中晷影丈八寸二分 一作一分續漢志作丈四寸二分

明中星張十五太 一本太下有強字

小雪昏中星室三半弱 一作半強續漢志作室二半強

大雪晝漏刻四十五五分 一作三分

明中星翼十五太 當依宋志作軫十五少強

木合終歲一千二百五十五 一作五十三

合月度法二萬一千八百四十一 一作三十一

火合終合數三千三百八十八 三千一作二千

日度法四百三十萬一千八百一十四 一作四百四十

雜識三

垂月河精舍叢鈔

萬一千八十四

月餘二萬二 一作二萬三

日餘三百五十八萬五千二百四十 四十一作三十

朔虛分九百三十三 一作三十二

斗分一百八萬六千五百三十 一作四十

土合終歲數三千九百四十三 一作二千

日度法七百一萬九百八十七 一作九千九百八十七

金日度法四百三十九萬五千五百五十四 一作五十

五

斗分一百八萬五千二百七十五 二百一作一百

水日餘二千三十四萬四千二百九十一 一作二千三

十四萬千二百六十

千二
字誤

朔虛分二千 一本千下百四十四字

度餘二千三十四萬四千三百六十一 三百一作二百

求後八月日 後小餘滿二千四百九十一 當作一十

九

木晨與日合伏順十六日九十九萬七千八百四十二分

一作三十二分以下文証之則三字是也

凡一終三百九十八日九百九十九萬三千六百六十六

十四分九百九十九萬 上九字衍

雜識三

壽月河精舍叢鈔

火晨行星五十六度百二十四萬九千九百三十五分

三十五分當作四十五分

土晨 三十二日半而旋逆日行七分之一 一作十七

分之一

金晨行星五十二度十九萬四千九十分 九十上脫九

百二字

一合二百九十三日十九萬四千九十分 一作二百九

十二日十九萬四千九百九十分

金夕與日合伏順四十二日百十九萬四千九百九十分

百十九萬一本無百字是也

六十一日行百一十二度 六疑當作四

九十一日行五度 五上疑脫百字

再合一終五百八十四日三十八萬九千八百八十分

四疑當作六

長麻說云日行一度月行十三度十七分之七有奇 釋

例作十九分度之七有奇

余為麻諸論之後 諸字衍

至咸寧中善算者李修卜顯 釋例作夏顯

其四十七日蝕三無甲乙當作三十七日蝕

今長麻得七百三十六日三十日蝕失三十三日經傳誤

雜識三

五月河精舍叢鈔

三十日當作三十三日

漢末宋仲子集七麻以考春秋 七當作十

禮志上此志盧學士亦有校本蔡于羣書拾補凡盧氏所著錄者不著錄

元帝渡江太興二年始議立郊祀議 宋志作元年誤

乃使侍中成粲草定其儀 宋志作袁粲

武帝咸寧二年春分衍大旱四月丁巳詔曰諸旱處廣加祈

請五月庚午始祈雨於社稷山川六月戊子獲澍雨 四

月辛巳朔無丁巳五月庚戌朔庚午月廿一日

涇渭長水雖不在祀典以所咸陽故盡得比大川之祠

所當作近

元帝太興二年皇太子講論語通 宋志作三年

尙書郎劉邵等 宋志無郎字

愍帝建興四年司徒梁芬議追尊之禮帝既不從而右僕

射索綝等 据本紀及綝本傳綝已于建興三年自右僕

射進左僕射此仍云右僕射誤也 盧云右謁

樂志上

正旦大會行禮歌 聖皇居四海應天期 居當作君應

上脫順人二字

樂志下

乃使轉毗王珣等增造宗廟歌詩 宋志曹毗造十一首

雜談三

三月河精舍叢鈔

王珣造二首此志止載曹毗十首蓋脫歌穆帝一首歌

穆帝 曹毗 孝宗夙愆休音允臧如彼晨離耀景扶桑垂訓

華幄流潤八荒幽贊玄妙爰該典章鹵平僭蜀北靜舊

疆高猷遠暘朝有遺芳

漢時有短簫饒歌之樂 雍離 宋志作翁離 又作攤離

景龍飛 景龍飛御天威聰鑒玄察動與神明協機從之

者顯逆之者滅夷文教敷武功巍弗違祥享世永長猛以

致寬道化光赫明明祚隆無疆帝績幽惟期有命既集崇

此洪基 武功巍下脫普被四海萬邦望風莫不來綏聖

德潛斷先天弗違五句

補遺 地理志

荊州 懷帝又分長沙衡陽湘東零陵邵陵桂陽及廣州
之始安始興臨賀九郡置湘州 州郡志云湘州晉懷
帝分荊州之長沙衡陽湘東邵陵零陵營陽建昌江州
之桂陽立無始安等三郡與此異案宋志是也譙閔王
承傳有建昌太守長沙王循 陶瞻傳歷廬江建昌二郡太守 又云零陵
太守尹奉出軍營陽是湘州有建昌營陽二郡之證然
二郡置廢本末晉志失載考州郡志 三 建昌郡晉惠帝
元康九年分長沙東北下雋諸縣立成帝咸康元年省
晉志殆以其不久卽省故略而不載乎懷帝紀永嘉元
年八月分荊州江州八郡為湘州與州郡志合

雜識三

三月 月河精舍叢鈔

讀書雜識卷第四

仁和勞格著

歸安丁寶書述

晉書校勘記

中

后妃傳

武悼楊皇后

中書監張華等

據華傳華是時為太子

少傅非中書監也傳誤

惠羊皇后

帝還洛迎后復位後洛陽令何喬又廢后及

張方首至其日復后位

何喬廢后在帝還洛之前上七

字當是衍文

雜識四

一月河精含叢鈔

穆章何皇后

永興三年崩

永興當作元興

王祥傳

泰始五年薨

王隱晉書云泰始四年薨

國志傳注與本紀

合案下云時文明皇太后崩始踰月歿后崩亦在四年

則云五年者誤矣

鄭沖傳

嘉平三年拜司空

沖封文陽亭侯見魏書此失載

何曾傳

父夔魏陽武亭侯

國志夔傳封成陽亭侯

正元中為鎮北將軍遷征北將軍進封潁昌侯

魏書公

卿廢齊王奏

齊王紀注

司隸校尉潁昌侯曾則曾於嘉平中

已進封潁昌矣

何劭傳

遷侍中尚書惠帝卽位爲太子太師

劭于太熙初爲中

書令

據楊駿傳惠紀作中書監說

元康元年八月自太子太師出爲

都督豫州諸軍事鎮許昌傳皆失載師字疑誤

趙王纂位以劭爲太宰永寧元年薨

本紀永寧元年十

二月司空何劭薨是劭又自太宰轉司空矣

是年梁王形爲太宰

領司徒

子岐嗣

傅暢晉諸公傳贊作斐

石勒載紀有朗陵公

雜識四

二月河精舍叢鈔

何夔何法盛中興書太元二年封何曾後闡爲朗陵侯

皆宜補入

石苞傳

詔以苞不料賊勢築壘逼水勞擾百姓策免其官

紀傳

皆不載苞免官年月通鑑依三十國春秋晉春秋置於

泰始四年

又敕征東將軍琅邪王佃自下邳會壽春

通鑑攷異云

佃于五年二月始鎮下邳恐傳誤也案佃自撫軍將軍

出爲鎮東大將軍進拜大將軍亦未嘗爲東征也

是年衛灌

爲征東大將軍

荀曾孫樸位至司徒 据載記樸爲司空非司徒也

石崇傳

出爲征虜將軍假節監徐州諸軍事 案金谷詩序云監

青徐州諸軍事 文選別賦注

羊祜傳

其以祜爲尚書右僕射 本紀作左僕射御覽職官部九

引千寶晉紀載武帝詔亦作左僕射

封夫人夏侯氏萬歲鄉侯 李興碑云封萬歲鄉君

杜預傳

遣武昌監劉憲代之 武紀作留憲

雜識四

三月河精舍叢鈔

陳騫傳

陳騫臨淮東陽人也 孫盛晉陽秋云字休淵

武帝受禪以佐命之勳進車騎將軍封高平郡公遷侍中

大將軍 案騫爲車騎將軍在魏元帝咸熙二年傳誤官

志武帝卽位陳騫爲大將軍又武紀泰始元年賈充爲車騎將軍可證此傳之誤

咸寧初遷太尉 本紀在泰始十年

孝武帝以騫玄孫襲爵卒弟子浩之嗣 中興書太元二

年封陳騫後浩之爲高平公與此異

裴秀傳

祖茂漢尚書令 魚豢魏畧云茂歷郡守尚書非尚書令

也

裴頌傳

子嵩嗣爵為乞活賊陳午所害 中興書太元二年封裴

秀後球為鉅鹿公本傳失載

裴楷傳

長水校尉孫季舒 孫字衍

衛瓘傳

增封菑陽侯 菑陽宋書荀伯子傳作蕭陽

元帝以瓘元孫崇嗣 江夏公衛璵表云臣高祖散騎侍

郎璠之嫡孫纂承爵中宗元皇帝以曾祖故右衛將軍

雜識四

四月河精舍叢鈔

崇承襲則崇當是瓘曾孫傳作元孫疑誤

張華傳

初趙王倫為鎮西將軍 鎮西當作征西

除佐著作郎頃之遷長史兼中書郎朝議表奏多見施用

史字疑衍

安平王孚傳

時吳將諸葛恪圍新城以孚進督諸軍二十萬防禁之

吳圍新城在嘉平五年考魏紀孚以嘉平三年三月徙

尚書令拜司空七月遷太尉此宜在代王淩為太尉下

傳列於前誤也又明悼后崩於景初元年今在此後亦

誤

隆立四年咸寧三年薨諡曰穆無子國絕 案國絕下疑

有脫文考武紀咸寧三年正月立安平穆王弟敦為安

平王禮志成寧二年安平穆王薨無嗣以母弟敦繼獻王後 太康二年三月景申

薨五年改安平為長樂國寰宇記六十三 立南宮王子祐為長

樂王寰宇記作祐 又通典禮五十二 穆帝太和六年太疑永之誤 五月

九日安平王薨又孝武紀太元十一年八月丁亥安平

王邃之薨安紀義熙九年十二月安平王球之薨則江

左尚有嗣封安平者安得云國絕乎

河間王洪傳

雜識四

五月河精舍叢鈔

魏原武太守 案魏無原武郡疑是原武典農也地理志無原武

縣續漢書郡國志屬河南地形志云晉罷

更立混為洪嗣 混本紀作英

隨王整傳 德政碑云字孔修集古錄

兄奕卒以整為世子歷位南中郎將封清泉侯先父望薨

金石錄跋尾引整頌云初仕魏拜郎中中郎議郎諫議

大夫騎都尉給事中轉拜治書侍御史咸熙元年出臨

鄙郡南鄉加宣威將軍又云謁者就郡拜君世子執節四

讓推與兄嗣固辭懇誠泰伯三美君又加焉又云太始

三年十一月使者奉詔策命君南中郎將收就統宛都

史不載其餘官闕據史言整爲世子碑言推與兄嗣二
說不同當以碑爲正

竟陵王楙傳

尋遷大鴻臚加侍中 本紀元康元年三月以東平王楙
爲撫軍大將軍庚戌免本傳失書

齊王冏輔政絲復爲僕射舉楙爲平東將軍都督徐州諸
軍事鎮下邳 據本紀楙鎮下邳在永寧元年八月東安
復爵在九月傳誤

太原王輔傳

子宏立 宏惠紀作泓

雜識四

六月河精舍叢鈔

輔弟翼傳

以兄邕之支子承爲嗣封南宮縣王薨 武紀泰始六年

五月立壽安亭侯承爲南宮王承封壽安亭侯本傳失

載薨下疑有脫文攷武紀太康十年十一月徙南宮王

承爲武邑王寰守紀太康十年害長樂國武遂武邑觀

津爲武邑國封南宮王承爲武邑王惠帝時承薨無後

省還長樂蓋自南宮縣王進武邑郡王傳亦失載

子祐嗣立承遂爲後 案立下疑有脫誤蓋祐封長樂王

以嗣安平王敦非嗣封武邑王也

下邳王晃傳

出為鎮東將軍都督青州一名一州諸軍事 武紀云都督青

州諸軍事

惠帝卽位入為車騎將軍尋守尚書令 惠紀元康元年

三月下邳王晃為尚書令與傅微異

高陽王珪傳

遷右僕射 職官部四 藝文類聚 職官部九 太平御覽 職官部九 引晉諸公贊

作左僕射晉起居注 初學記引 仍作右僕射任愷傳亦作右

僕射則左字誤也

常山王衡傳

以安平世子邕第四子敦為嗣 敦當作殷武紀咸寧元

雜識四

七月河精舍叢鈔

年十月常山王殷薨可證

高密王泰傳

從代下邳王晃為尚書左僕射 武紀作右僕射案晃傳

亦作右僕射此本傳誤也

孝王略傳

遷安北將軍都督青州諸軍事懷帝卽位遷使持節都督

荊州諸軍事征南大將軍開府儀同三司 惠紀永興元

年十二月詔以高密王簡為鎮南將軍領司隸校尉權

鎮洛陽懷紀永嘉元年三月以征東將軍高密王簡為

征南大將軍都督荊州諸軍事鎮襄陽則略嘗由安北

進鎮南又自鎮南遷征東矣傳皆失載

新蔡王騰傳

封東嬴公 地理志無東嬴縣

轉持節監北將軍都督并州諸軍事并州刺史 監北當

一作平北 北史衛操傳亦作平北

穎遣北中郎將王斌距戰 穎傳作幽州刺史王斌

南陽王模傳

遷鎮東大將軍鎮許昌永嘉初轉征西大將軍開府都督

秦雍梁益諸軍事 本紀永嘉元年三月以征南將軍模

為征西大將軍是模嘗自鎮東遷征南矣本傳失書

雜識四

八月河精舍叢鈔

南陽王保傳

是歲保病薨 本紀太興三年五月晉王保為其將張春

所害與傳異

范陽王虓傳

虓與東平王楙鎮東將軍周馥等上言 案馥傳惠帝幸

鄴以馥守河南尹上官已敗復攝河南尹帝還宮出為

平東將軍代劉準為鎮東將軍馥是時尚是河南尹傳

作鎮東誤也

濟南王遂傳

子耽嗣立咸寧三年徙為中山王是年薨 据本紀耽薨

於元康二年九月此疑有誤

勳兵少未能自固復還涼州 涼當作梁

譙王遜傳

子定王隨立薨 惠紀隨薨于太安元年正月庚子水經
陰溝水注過水南有譙定王司馬士會冢冢前有碑石
榜云晉故使持節散騎常侍都督揚州江州諸軍事安
東大將軍譙定王河內溫司馬公墓之神道其薨諡年
月及所歷官位可補此傳之缺

譙王恬傳

補吳國內史又領太子詹事 武紀太元十一年四月譙

雜識四

九月河精舍叢鈔

王恬爲尙書右僕射本傳失書

譙王尙之傳

前將軍王恂 恂當作珣

元顯稱詔西伐命尙之爲前鋒 本紀云劉牢之爲前鋒

尙之爲後部傳誤

文思爲裕所敗而死國除 据北史休之傳文思從休之

奔姚興後奔魏位懷荒鎮將譙王此云敗死微誤

司馬休之傳

寧朔將軍張暢之高平相劉懷肅自沔攻振走之 走之
當作斬之

習陽亭侯順傳

順初封習陽亭侯 國志杜恕傳注作龍陽亭侯

西河王斌傳

西河繆王斌字子政 水經原公水注繆王作恭王子政

作子盛

三年改封西河 三年上脫咸寧二字水經注引斌碑云

王以咸寧四年改命爵土趙一清曰善長親見此碑或

是史誤

清惠亭侯京傳

齊王問表以幾嗣後問敗國除 据問傳問三子淮南王

雜識四

十月河楸舍叢鈔

超樂安王冰濟陽王英無幾名且幾既爲機嗣則不當

亦名幾也疑傳誤

扶風王駿傳

又詔駿遣七千人代涼州守兵樹機能侯彈勃等欲先劫

倬兵 倬字恐譎

及齊王攸出鎮駿表諫懇切以帝不從遂發病薨 案齊

王出鎮事在太康三年駿薨于七年九月傳誤

新野王歆傳

武王薨後兄暢推恩請分國封歆太康中詔封新野縣公

邑千八百戶儀比縣王 水經注清河又南逕新野縣故城

西晉咸寧二年封大司馬扶風武王少子歆爲新野郡

公割南陽伍屬伍屬卽五縣棘陽蔡陽穰鄧山都封焉棘陽等四

縣晉志屬義陽此作南陽義陽故屬南陽也山都晉志屬襄陽與本傳不合案酈注誤

也歆封新蔡据本紀在太康十年十月非咸寧二年也

是時封新野縣公非郡公也其進封郡王在惠帝永寧

元年則新野置郡當亦在是時地理志云惠帝分南陽

當作義陽立新野郡盛宏之荊州記以爲在元康九年

梁王彤傳

進號安東將軍元康初轉征西將軍代秦玉東都督關中

軍事領護西戎校尉 本紀元康元年四月癸亥以征東

雜識四

上月河精舍叢鈔

將軍梁王彤爲征西大將軍都督關西諸軍事則彤嘗

自安東進號征東矣

代趙王倫鎮關中都督涼雍諸軍事 本紀云都督雍梁

二州諸軍事

永康二年薨 永康當作永寧

近者太尉陳準異姓之人加弟徽有射鉤之隙 徽當作

徽卽淮南王允傳中之太子左衛率陳徽也

子珍之立 檀道鸞續晉陽秋云字景度

樂安王鑑傳

咸寧初以齊之梁鄒益封 地理志脫梁字

王沈傳

武帝卽王位拜御史大夫守尚書令 案是時裴秀爲尚書令傳疑有誤

王浚傳

遷寧北將軍青州刺史尋徙寧朔將軍持節都督幽州諸軍事 案晉無寧北將軍軍號考通典晉官名寧朔下有

寧遠將軍

寧朔第四品
寧遠第五品

此傳寧北疑是寧遠之誤或以

爲當作平北者非是

又案宋書百官志

上寧遠將軍

晉江左置則是時尚無寧遠軍號然考之山濤傳云出

爲冀州刺史加寧遠將軍在武帝時胡母輔之傳尋除

雜識四

三月河精舍叢鈔

寧遠將軍揚州刺史在懷帝時則晉中朝已有此官非江左置也沈氏誤

惠帝旋洛陽轉浚驃騎大將軍 懷紀於永嘉二年三年

兩書安北將軍王浚四年始書驃騎將軍王浚爲司空

則浚之進驃騎當在永嘉三年以後矣

太元二年詔興滅繼絕封沉从孫道素爲博陵公 中興

書云封王沉後朴之爲博陵公與傳不合

義熙十一年改封東莞郡公 地理志有東莞郡無東莞

郡案易夬卦竟陸虞翻讀竟爲夫子竟尔而笑之竟今

本論語从唐石經作莞釋文云竟古莞字

馮統傳

統兄恢自有傳 今本晉書無恢傳

楊駿傳

其以駿為太尉太子太傅假節都督中外諸軍事錄尚書
領前將軍如故云云詔成帝親視而無言自是二日而崩

案本紀太熙元年四月辛丑以侍中車騎將軍楊駿為

太尉都督中外諸軍錄尚書事己酉帝崩相去凡九日

傳云二日誤天文志下
作乙酉

魏舒傳

遷宜陽滎陽二郡太守 地理志宜陽縣屬宏農不云魏

雜識四

三月河精舍叢鈔

立為郡考國志高柔傳有宜陽典農劉龜則舒當是宜

陽典農非太守也傳誤考魏武興屯田後置典農中郎

將典農都尉典農校尉之官典農中郎將秩比二千石

見魚豢不繫於郡亦有以太守領典農者孟康以桓農
魏畧校尉見漢書敘例傳玄以宏

農太守領典農校尉見本傳故太守典農往往互稱如

河間王洪為原武太守即原武典農也國志后妃傳毛
曾為原武典農

太原王輔為野王太守即野王典農也曹爽傳共分割
洛陽野王典農

部桑田數百頃安平王孚嘗為野王典農中郎將
見水經沁水注楊肇除野王典農中郎將見肇碑魏舒

遷宜陽太守即宜陽典農也或疑魏曾立原武野王宜

陽三郡者非是

李熹傳

遷御史中丞尋遷大司馬以公事免 司馬下當有脫文

司馬仲爲寧北將軍鎮鄴 寧北當从仲傳作寧朔

劉寔傳

遷太保轉太傅大安初以老病遜位 本紀永興三年三

月太傅劉寔爲太尉本傳失書

王渾傳

封子澄爲亭侯 國志王昶傳注引晉書云封一子江陵

侯

王濬傳

雜識四

西月河精舍叢鈔

壬戌克荆門夷道二城獲監軍陸晏乙丑剋樂鄉獲水軍

督陸景 吳志陸抗傳二月壬戌晏爲王濬別軍所殺癸

亥景亦遇害與傳微異

壬寅濬入於石頭 孫皓傳作壬申

武紀同

拜濬輔國大將軍領步兵校尉舊校唯伍置此營自濬始

也 通鑑考異云職官志屯騎步兵長水越騎射聲校

尉是爲五校竝漢官也則步兵之官非自濬始武紀是

年六月丁丑初置翊軍校尉官疑濬所領者翊軍也案

宋書百官志 下云翊軍晉武帝太康初置始爲臺校尉

而以唐彬爲之考彬傳亦云徵拜翊軍校尉則爲翊軍

者是唐彬非王濬也

山濤傳

太康初遷右僕射 本紀咸寧四年三月以尚書右僕射

山濤為左僕射則濤之遷右僕射當在咸寧初傳云太

康初誤

太平御覽職官部九引晉書曰太康元年以山濤清虛恬簡轉為左僕射

以平之後詔天下罷軍役濤因與盧欽論用兵之本以為不宜去州郡武備 盧欽卒於咸寧四年不逮平吳時也

傳誤

山簡傳

與宏農楊淮齊名 淮當作準

雜識四

五月河精舍叢鈔

永嘉三年出為征南將軍都督荆襄交廣四州諸軍事假

節鎮襄陽 襄當作湘

王濞傳

劉琨謂澄曰卿形雖散朗內實動俠以此處世難得其死

動俠世說讒險篇作勁狹劉注引鄧粲晉紀亦作勁狹

胡三省通鑑音注曰其性輕易動又豪俠自喜未免迂

曲

盧欽傳

襲父爵大利亭侯 据國志盧毓傳初封關內侯進高樂

亭侯更封大梁鄉侯封一子高亭侯不云封大利亭侯

也

華表傳

詔以為大中大夫 華嶠譜敘云拜光祿大夫

司隸王宏等 譜敘作王密案密為司隸在元康中宜从

本傳

華廩傳

廩棲遲家巷垂十載太康初大赦乃得龔封 案自成寧

元年至太康初祇五年非十年也

進位光祿大夫開府儀同三司 晉諸公傳贊云追贈光

祿大夫開府與傳異

雜說四

夫月河精舍叢鈔

三子混蒼恒 混晉諸公傳贊作昆

石鑿傳

太康末拜司空 紀在太熙元年三月

劉毅傳

羽林左監北海王宮 宮疑作寔

和嶠傳

祖洽魏尚書令 案國志洽傳洽官至大常非尚書令也

父道魏吏部尚書 道國志作適誤

後與荀顗荀勗同侍帝曰太子近入朝差長進卿可俱詣

之粗及世事既奉詔而還顗勗並稱太子明識宏雅誠如

明詔嶠曰聖質如初耳

案稱太子者干寶以為荀覲

魏

志荀或傳注

孫盛以為荀勖

世說方正篇注

皆誤裴松之以為荀愷

是也此云顓助同侍亦誤

惠帝即位拜太子太傅

愍懷傳云和嶠為少保晉諸公

贊御覽職官部四十二引

惠帝以吏部尚書和嶠為太子少保

元康二年卒永平初策謚曰簡

平字疑誤

武陔傳

遷左光祿大夫

虞預晉書云右光祿大夫

子輔嗣

輔唐書宰相世系表十四

作越又云越生威遠

將軍嗣薛侯舖

雜識四

七月河精舍叢鈔

侯史光傳

子施嗣東莞太守

施蔡豹傳作施

何攀傳

遂詣梁州拜表證晏不反

常璩後賢志云詣洛

出為東羌校尉徵為揚州刺史

常志云轉東羌校尉西

虜寇邊遣長史楊威討之違攀指授失利徵還領越騎

校尉河南尹遷揚州刺史

卒於洛陽時年五十八

常志云年五十七追贈司農印

綬謚曰桓公

李重傳

父景秦州刺史都亭定侯 景永嘉流人名作康 世說賢媛篇注

王隱晉書作秉 國志李通傳注緒子秉字玄胃有傳作雋才為時人所貴官至秦州刺史

景係唐史臣避世祖嫌諱改

于時內官重外官輕兼階級繁多重議之見百官志 今

本晉書無百官志考臧榮緒晉書有百官志載重議曰

中書郎李重以為等級繁多在職不得久又外選輕而

內官重以使風俗大弊宜釐改重外選簡階級使官人

議曰古之聖上 御覽作王 建官垂制所以體國經治而功在

簡易自帝王而下世有增損舜命九官周分六職秦採

古制漢仍秦舊倚丞相任九卿雖置五曹尚書令僕射

雜識四 六月河精含叢鈔

之職始於掌封奏以宣外內事任尚輕而郡守牧民之

官重故漢宣稱所與為治惟良二千石其有殊政者 此下

御覽有輒璽 或賜爵進秩諒 御覽有禮遇豐厚 為治大

體所以遠 藝文類聚作追 躐三代也及至東京尚書雖漸優顯

然令僕出為郡守使入為三公 藝文類聚郡守下有鍾離意黃香胡廣是也郡

守十一字無 虞延第五倫桓虞鮑昱是也近自魏朝名

守杜畿滿寵田豫胡質等居郡十餘二十年 疑有脫誤 或秩

中二千石假節猶不去郡 此下御覽有或 此亦古人苟

善其事雖沒世不徙官之義也漢魏以來內官之貴於

今最隆 此下御覽有太始以前多以散官補臺郎亦徑補黃門中書郎而今皆數等而後至眾職率亦

如此陵遲之俗未反篤尚之風未治四十五字而百事等級遂多遷補轉徙如

流能不以著黜陟不得彰此為治之大弊也夫階級繁

多而望官久官不久而望治功成不可得云虞書云三

考黜陟幽明周官三年大計羣吏之治而行其誅賞漢

官法人或不直秩御覽直作真秩下有京房為魏郡太守以八百石居之十三字魏初

用輕資亦先試守不稱繼以左遷然則雋才登進無能

降退此則所謂有知必試而使人以器者也臣以為令

宜大并羣官等級使同班者不得復稍遷又簡法外議

罪之制明試守左遷之例則官人理書御覽人下有之字書作盡士

必量能而受爵矣居職者自久則政績可考人心自定

務求諸已羣書治要

雜識四

九月河情合叢鈔

傅咸傳

中郎李重李義不相匡正請免戎等官義當作毅李毅

字茂修舊史闕其行事潘尼贈李郎詩序曰元康六年

尚書吏部郎汝南李光彥遷汲郡太守其字不同

起以議郎長兼司隸校尉長兼字當起于此胡三省以

為始于孔愉非是傅祗傳尋表兼廷尉表兼疑是長兼之誤

傅祗傳

宣帝暢行河陰令閻鼎傳作河陽

昔魯芝為曹爽司馬斬關出赴爽宣帝義之尚遷青州刺

史 夏侯湛爲魯芝銘干寶晉紀並云擢并州刺史考
芝傳亦云爲并州刺史此云青州疑誤

向雄傳

初仕郡爲主簿事太守王經 案經爲司隸校尉辟雄爲

都官從事非河內太守也 雄河內山陽人

太守劉毅嘗以非罪笞雄 劉毅當从世說方正篇作劉

準 今本作准誤

閻纘傳

祖圃封平樂鄉侯 魏公卿上尊號奏有建節將軍平樂

亭侯臣圃卽閻圃也但此作鄉侯疑黃初中所進封也

雜識四

辛 月河清舍叢鈔

父璞嗣爵仕吳至牂牁太守 案牂牁郡未嘗屬吳吳字

疑衍

駿從弟模告武陵王濬 駿字疑誤

阮瞻傳

舉止灼然 孫志祖曰止字疑衍灼然者晉世選舉之名

于九品中正中爲第二品也温嶠傳後舉秀才灼然二

品鄧攸傳舉灼然二品爲吳王文學

向秀傳

後爲散騎侍郎轉黃門侍郎散騎常侍在朝不任職容迹
而已 案任愷傳庾純張華温顛向秀和嶠之徒皆與愷

善楊玘王恂華廡等充所親敬于是朋黨紛然則秀實
係奔競之徒烏得云容迹而已哉

謝鯤傳

永興中長沙王乂入輔政 永興當作太安

曹志傳

武帝爲撫軍將軍迎陳留王子鄴 据武紀帝時爲中護
軍非撫軍將軍也

九年卒 此太康九年也許猛與舊君不通服議曰元康

四年薨

見通典禮五十九

庾峻傳

雜識四

三月河精舍叢鈔

祖乘漢司徒辟有道徵皆不就 元和姓纂云魏襄城令

父道廉退貞固 道字誤庾氏譜元和姓纂鄧名世姓氏

辨證皆作遁

庾珉傳

懷帝之陷劉元海也 劉元海當作劉聰

王接傳

東海王越率諸侯討颯尙書令王堪統行臺 晉諸公傳

贊曰東海王越表王堪爲尙書右僕射假節都督奉迎

諸軍事傳作尙書令微異

長子愆期流寓江南緣父本傳意更注公羊 愆期字門

讀書雜識卷第五

仁和勞 格著

歸安丁寶書述

晉書校勘記

愍懷太子傳

以何劭為太師 通典 職官十二 景帝諱師故改太師為太師

則師字當是帥字之誤

太子太傅楊濟息悝 太傅當作太保

中護軍趙俊請太子廢后 俊字誤陸雲傳作趙浚

右衛督司馬雅 趙王倫傳作左衛司馬督

雜識五

一月 河精舍叢鈔

六月己卯葬于顯平陵 己卯當从本紀作壬寅 六月庚寅朔無

卯己

子臧永康元年四月封臨淮王己巳詔立臧為皇太孫

本紀在五月宋書五行志 三 作四月丁巳

子尚永康元年四月封為襄陽王 本紀在五月

陸喜傳

喜字恭仲 吳錄作文仲

孫綽傳

揚州刺史殷浩以為建威長史 建威當作建武

羅憲傳

時大將軍閻宇都督巴東 襄陽記作右大將軍是也時姜

維為大將軍

憲距守經年救援不至 据襄陽記憲被攻凡六月非經

年也傳誤

子襲至廣漢太守 襄陽記追贈廣漢太守

滕修傳

滕循 孫皓傳作滕循漢建循脩通用

苙子含討蘇峻有功封夏陽縣開國侯 夏陽本紀作陽

夏苙法苑珠林受福篇施福部感應緣引冥祥記作普又云普子

含以蘇峻之功封東興與紀傳又異

雜識五

二月河精舍叢鈔

馬隆傳

魏兖州刺史令狐愚坐事伏誅 据魏志王淩傳愚死于

嘉平元年以謀立楚王彪發冢剖棺暴尸非伏誅也

胡奮傳

遷左僕射 左當作右武紀太康九年可證是年王渾為左僕射

烈字武玄 晉諸公傳贊作元武

陶璜傳

交阯太守孫翊 南中志作孫靖

興尋為功曹李統所殺帝更以建寧爨谷為交阯太守

据南中志谷為交趾太守在興未死之前

牙門王業爨能 南中志作王素爨熊

趙誘傳

子允遷西豫州刺史卒於官 西字衍

周處傳

處少孤未弱冠膂力絕人好馳騁田獵不修細行縱情肆

愆鄉里患之

云

案此采自宋臨川王義慶世說予以處

傳及陸機傳覈之知係小說妄傳非實事也案處沒於

惠帝元康七年

處碑作九年
誤此依本紀

年六十有二推其生年當

在吳大帝之赤烏元年陸機沒于惠帝太安二年年四

十三推其生年當在吳景帝之永安五年赤烏與永安

雜識五

三月河精舍叢鈔

相距二十餘載則處弱冠之年陸機尙未生也此云入

吳尋二陸未免近誣又考陸機傳年二十而吳滅退居

舊里是吳未亡之前機未嘗還吳也或以爲處尋二陸

當在吳亡之後其說亦非也考吳亡之歲處年亦四十

三筮仕已久据本傳處仕吳爲東觀左丞無難督故王

渾之登建鄴宮處有對渾之言如使吳亡之後處方厲

志好學則爲東觀左丞無難督者果何人乎以此推之

知世說所云盡屬謬妄晉書不加考核遽採入本傳可

謂無識劉子元譏其好採小說誠非過也 又案處碑

世傳陸機所撰亦有來吳事余厥弟之語此碑係唐陳

從諫所重樹竄改舊文事迹錯互不可盡據以為信

仕吳為東觀左丞孫皓末為無難督 碑云吳朝州縣交

辟太子洗馬東觀左丞中書右丞五官郎中左右國史

遷大尚書僕射東觀令太常卿無難督使持節大都督

塗中京下諸軍事封章浦亭侯傳止載其為夷觀左丞

無難督二官未免太略 寰宇記章浦亭在宜興縣西二十五里浦側城榮緒晉書周處

封章浦亭侯 吳志孫皓傳天璽元年吳興陽羨山有空石長十餘丈名曰石室在所表為大瑞乃遣兼司徒

董朝兼太常周處至陽羨縣封禪國山

入洛稍遷新平太守 碑云初入拜諮議郎除討虜護軍

新平太守

雜識五

四月河精舍叢鈔

追贈平西將軍元帝為晉王將加處策諡云 碑云封關

內侯建武元年冬十一月甲子追贈平西將軍封清流

亭侯

三子玘靖札 碑云四子靖玘札碩傳失載碩名又以靖

為玘弟皆非也

周玘傳

冰遣其將羌毒領數萬人距玘 廣韻陽作羌迪

時右將軍陳敏自廣陵率眾助玘 据敏傳時為廣陵度

支非右將軍也

密遣使告鎮東將軍劉準 陳敏傳作征東案劉喬傳詔

使征東大將軍劉準等攻范陽王虓于許昌在敏未反之前知此傳鎮字誤也

周撫傳

隗文鄧定等復反立范賢子賁爲帝撫與龍驤將軍朱壽擊破斬之 壽當作壽本紀亦誤

征西督護蕭敬文作亂殺征虜將軍楊謹 本紀作楊謙

周楚傳

以楚監梁益二州假節 海西公紀云監益寧二州

蜀盜李金銀 本紀作金根

周虓傳

雜識五

五月河精舍叢鈔

後又與堅兄子苞謀襲堅 苞載記作陽

周光傳

復除仲孫堅益豫梁之三郡 豫字衍梁州三郡巴西梓

潼宕渠也

汝南王祐傳

子義立官至散騎常侍薨 義武紀作義

西陽王羨傳

鎮南將軍裴楷與之親姻 鎮南楷傳作安南

趙王倫傳

遷平北將軍督鄴城守事進安北將軍元康初遷征西將

軍開府儀同三司鎮關中 本紀元康元年八月庚申以趙王倫爲征東將軍都督徐兗二州諸軍事本傳失去未載

尙書始疑詔有詐郎師景露版奏請手詔 廣韻五五帥亦姓本姓師晉景帝諱改爲帥晉有尙書郎帥曷則此師字當是帥字之誤曷作景係唐史臣避世祖諱改

齊王冏傳

司徒王戎司空東海王越說冏委權崇讓 据戎傳時爲尙書令非司徒也

幽其子淮陵王超樂安王冰濟陽王英于金墉 陵當作

雜識五

六月河精舍叢鈔

南又樂安平王傳以濟陰萬一千二百一十九戶改爲廣陽國立冰爲廣陽王此仍作樂安王亦誤

太元中詔以故南頓王宗子柔之襲封齊王 頓傳云三子綽超演無柔之名南史孝司馬曷傳高祖柔之以南頓王孫紹齊王攸後則子字當是孫字之誤

成都王穎傳

頓巨太守鄭琰爲右長史 琰當作球

左將軍王輿 左下脫衛字

以平原內史陸機爲前鋒都督前將軍假節 機傳云假

機後將軍河北大都督

左衛將軍陳眡 本紀作右衛眡太尉廣陵公準子

乃遣奮武將軍石超率兵五萬次于蕩陰 超傳作振武

平北將軍王浚 浚傳自靈朔將軍進安北將軍此云平

北誤也 惠紀作安北

靈北將軍東瀛公騰 靈北當作平北

浚屯冀州不進與騰及烏丸羯朱襲穎 羯朱水經濁漳

水注作渴末

穎自華陰趨武關出新野帝詔鎮南將軍劉弘南中郎將

劉陶收捕 陶字正興時為揚州刺史

永嘉中立東萊王蕤子遵為穎嗣封華容縣王 遼東王

雜識五

七月河精舍叢鈔

定國傳齊王攸以長子蕤為嗣蕤薨子遵嗣則遵所嗣

封者東萊王 蕤自遼東徙東萊王 非華容縣王也 遵字疑誤

河間王顒傳

元康九年代梁王彤為平西將軍鎮關中 本紀作鎮西

永寧元年詔稱征西大將軍河間王顒則文載當由平

西進位征西本傳失載 李含傳趙王倫篡位以為東武陽令河間王表請含為征西司

馬則河間王之進位征西當在趙王篡位之後

詔以彭城元王植子融為顒嗣改封樂成縣王薨無子建

興中元帝又以彭城康王釋子欽為嗣 成紀咸和五年

九月甲辰徙樂安王欽為河間王六年六月景申復故

河間王暉爵位封彭城王植子暉為樂成王考異曰句疑有誤欽

子疑十一字當是衍文暉字疑是融字之誤欽為散

騎常侍興寧三年三月癸酉薨海西公紀諡武王司馬紹墓誌子

曇之嗣為游擊將軍謝玄傳太元九年十月丁巳薨武紀諡

景王司馬墓誌子國鎮嗣隆安三年二月甲辰薨安紀子道賜

嗣義熙十一年五月從司馬休之奔秦秦滅降魏道賜嗣封

河間史無明文姚興載記作新蔡王道賜据新蔡王騰傳安帝時嗣封新蔡者為新蔡王惠宋受禪國除未嘗

奔秦也考北史司馬休之傳云姚泓滅休之與文思及河間王子道賜等數百人將妻子降于長孫嵩魏書亦

云河間王曇之子則道賜為曇之子無疑載記新蔡當是河間之誤

東海王越傳

雜識五 八月河精舍叢鈔

太安初帝北征鄴 太安當作永興

冀州刺史丁劭 劭當作紹

散騎侍郎高韜有憂國之言越誣以訕謗時政害之案

高光傳子韜放佚無檢東海王越輔政不朝覲韜知人

心有望密與太傅參軍姜頤京兆杜概等謀討越事泄

伏誅据越傳則韜當是忠直之士据光傳則韜實係凶

險之徒二傳之中忠邪互異吾誰適從

孟觀傳

署為安南將軍監河北諸軍事假節屯宛 河北當作沔

北

永饒洽令空桐機斬觀首 通志氏族畧 空相氏史記

商後有空相氏晉惠時有空相機 今本史記廣韻 四十

亦作空相機元和姓纂作京相誤

賈正傳

愍帝以正為驃騎將軍雍州刺史封酒泉公 本紀加正

征西大將軍

西平太守竺恢亦固守 西平當从載記作新平 新平屬雍州西

平屬涼州

周浚傳

父裴少府卿 裴當作斐斐著汝南先賢傳五卷見隋書

雜識五

九月河精舍叢鈔

經籍志

鄉人史曜素微賤 曹嘉之晉紀曰曜字季茂官至中書

郎 藝文類聚

溶乃直指三江山 江字衍

臣叔父子恢稱重臣宗 朱學勤曰世說 品藻篇 引王隱晉

書曰恢仕至秦相秩中二千石祖斐永寧少府父隆州

從事則浚之於恢當是兄弟之子非叔父子也傳誤

苟晞傳

後高密王泰討青州賊劉根 泰當作略

破汲桑故將公師藩敗石勒于河北進位撫軍將軍 懷

紀永嘉元年八月撫軍將軍荀晞敗汲桑於鄴則未破
汲桑之前已進位撫軍矣

端承制以晞領太子太傅都督中外諸軍錄尚書 懷紀
云晞自領尚書令

劉喬傳

使鎮南將軍劉弘征東大將軍劉準平南將軍彭城王繹
與喬并力攻虓于許昌 下文又云又遣劉弘劉準彭城
王繹等率兵援喬据本紀知同是一事而復出也

琨率突騎五千濟河攻喬 琨傳云乞師于王浚得突騎
八百人東海王越傳云虓遣督護田徽以突騎八萬人
進人數多寡三傳不同未知孰是

雜識五

十月河精舍叢鈔

喬眾不敵而潰喬復收散卒屯于平氏 下文又云喬眾
遂散與五百騎奔平氏亦同是一事而複見也

越薨復以喬爲都督豫州諸軍事鎮東將軍豫州刺史卒
于官 据石勒載記喬於永嘉五年爲石勒所害傳云卒

于官誤也

禮志中

尚書安眾男臣先表中兵曹郎王

祐名犯父諱求解職云云又劉湛傳湛出繼伯父淡襲
封安眾縣五等男先當是祐之子淡當是先之子湛是
淡弟柳之子皆宜補載

劉柳傳

出爲徐兗江三州刺史卒 安紀義熙十二年六月己酉
新除尙書令都鄉侯劉柳卒柳爲尙書令封都鄉侯本
傳失書

劉琨傳

永嘉元年爲并州刺史加振威將軍 本紀永嘉四年十
月平北將軍劉琨爲平北大將軍本傳失載

屬上黨太守龔醇降于聰雁門烏丸復反琨親率精兵出

禦之聰遣子粲及令狐盛乘虛襲晉陽 案本紀龔醇

降賊龔醇本紀作麗淳事在永嘉三年七月晉陽降粲在永嘉

六年七月二事本不相蒙疑傳誤又通鑑考異引琨上

雜識五

七月河精舍叢鈔

太子賧云聰以七月十六日復決計送死臣卽自東下
率中山常山之卒並合樂平上黨諸軍未旋之間而晉
陽傾潰十六國春秋亦云琨收兵常山傳云琨出禦烏
丸亦誤

留其將箕澹段繇等戍晉陽 箕澹石勒載記作姬澹

移居陽邑城 陽邑當作陽曲

冠軍將軍允護軍將軍緄 据愍紀允時爲領軍將軍緄

時爲安東將軍

屬石勒攻樂平太守韓據 据本紀作韓據

祖逖傳

帝乃以逃爲奮威將軍豫州刺史 元紀建武元年六月
石季龍圍譙城平西將軍祖逖擊走之又太興二年兩
書平北將軍祖逖是逃嘗由奮威進號平西由平西轉
平北傳皆失載

陳川以眾附石勒逃率眾伐川石季龍領兵五萬救川逃
設奇以擊之季龍大敗 本紀大興二年五月平北將軍
祖逖及石季龍戰于浚儀王師敗績此云季龍大敗非
其實也

石勒使成臯縣修逃母墓因與逃書求通使互市逃不報
書而聽互市收利十倍 案石勒載記云逃遣參軍王

雜識五

三月河精舍叢鈔

愉使于勒贈以方物修結和好勒遣左常侍董樹報聘
與此不合案士稚志清中原無緣與石勒通使疑當從
本傳爲是

李矩傳

劉岳以外援不至降于石季龍 載記云季龍攻劉岳于
石梁石梁潰執岳送襄國傳云降于石虎恐誤

段匹磾傳

建武初匹磾推劉琨爲大都督結盟討勒 案下文又云
琨與匹磾結盟俱討石勒亦同一事而重出也

匹磾著朝服持節實從出見季龍 載記云匹磾輿灑出

降與此不合

郭默傳

默將張丑宋侯等 陶侃傳作宗侯

東海沖王祗傳

泰始九年五月受封 本紀在三月

通鑑同

淮南忠壯王傳

太康十年徙封淮南仍之國都督揚江二州諸軍事鎮東大將軍假節 案地理志元康元年割揚州之豫章鄱陽廬陵臨川南康建安晉安荊州之桂陽安成武昌合十郡置江州則是時未有江州江二二字疑衍或允後進

雜識五

三月河精舍叢鈔

督江州傳終而言之

譙定王石榜云都督揚州江州諸軍事

徽兄淮時為中書令 淮當作準即廣陵公陳準也

清河康王遐傳

子銓 二年立為皇太子 本紀在元年三月庚午

洛京傾覆沒於劉聰 太子被害年月不見於懷紀考王

彌傳彌等陷京城殺皇太子詮則詮當沒于永嘉五年

又元紀太興三年五月景寅孝懷帝太子詮遇害於平

陽則詮當沒于太興三年非永嘉五年也紀傳抵牾未

知孰是考王導傳孝懷太子為胡所害始奉諱云云始

知太子實沒于永嘉五年江左以太興三年始奉諱故

繫之元紀雖似不同實未始不合也詮謚虜太子見禮志

吳王晏傳

吳敬王晏 上文李夫人生吳孝王晏愍紀亦作孝王傳

云敬王疑誤

祥嗣淮南王允 淮南王允傳齊王冏以息超繼允後冏

敗起被幽後更以吳王晏子祥爲嗣則祥之嗣淮南當

在太安元年以後考本紀永寧元年八月己巳徙南平

王祥爲宜都王是祥未嗣淮南之前初封南平改封宜

都傳俱不載

雜識五

西月河精舍叢鈔

國初封漢王改封濟南 固惠紀作國又始平王裕傳以

淮南王允子迪爲嗣改封漢爲趙王倫所害固封於永

寧元年在迪被害之後疑固亦出繼始平也

東海王沖傳

隆安三年安帝詔以會稽忠王次子彥璋爲東海王 本

紀在四年十一月

會稽王道子傳

左將軍謝琰 左當作右

王導傳

咸和五年薨時年六十四 咸和當作咸康以戴洋傳考

之則導當生於咸寧二年丙申下距咸康五年得年六十五非六十四也

王珣傳

二年恭復舉兵假珣節進衛將軍都督琅邪水陸軍事

本紀三年四月乙未加尙書令王珣衛將軍在王恭與兵之後

四年以疾解職歲餘卒 紀在四年五月景寅

王協傳

元帝撫軍參軍 元帝未嘗爲撫軍疑是簡文之誤

王謐傳

雜識五

五月河精舍叢鈔

護軍將軍劉毅 護軍當作冠軍

劉弘傳

字和季 晉陽秋云字叔和水經沔水注引襄陽耆舊傳

云字和季

爲寧朔將軍假節監幽州諸軍事領烏丸校尉封宣城公

水經□□水注引□侯陵過紀云元康四年君少護烏

丸校尉寧朔將軍封宏鄉侯本傳失載

太安中張昌作亂轉使持節南蠻校尉荊州刺史時荆部

守宰多闕弘請補選帝從之 晉陽秋云帝在長安命

宏得選用宰守與此不同

陶侃傳

振威將軍周訪 訪傳作振武

王機勸弘取廣州 機傳作交州是也

又遣部將許高討機斬之 機傳云討機走之病死於道

溫嶠傳

鄱陽內史紀瞻 紀瞻成紀鄧岳傳作紀睦案紀瞻卒於

明帝時距咸和三年已四年矣且瞻亦未嘗為鄱陽內

史

奮威長史滕含抱天子奔於嶠船 本紀作建威長史蘇

峻傳作輕車長史

雜識五

七月河精舍叢鈔

郗鑒傳

遷車騎將軍都督徐兗青三州軍事兗州刺史假鎮廣陵

本紀云都督青兗二州軍事

輔軍將軍虞潭 輔軍當作輔國

郗隆傳

尋加寧東將軍 寧字疑誤

顧榮傳

子毗嗣官至散騎侍郎 孫恩傳有嘉興公顧盾

賀循傳

征東將軍周馥上循領會稽相 征馥傳作鎮

劉隗傳

拜鎮北將軍都督青徐幽平四州軍事假節加散騎常侍
率萬人鎮泗口 元紀云鎮淮陰

戴若思傳

出爲征西將軍都督兗豫幽冀雍并六州諸軍事假節加
散騎常侍鎮壽陽 元紀云司兗豫并冀雍六州諸軍
事司州刺史鎮合肥當是時劉隗督幽州疑是傳誤

戴邈傳

卒諡曰穆子謚嗣 據此則邈當有封爵傳既不載所封
之爵邑則此句無根

雜識五

七月 河精舍叢鈔

應詹傳

鎮南將軍山簡 鎮當作征

封觀陽縣侯 成紀作觀陽伯誤

以咸和六年卒 六當作元

卞壹傳

父粹右軍將軍 趙王倫傳作左軍

征東將軍周馥請爲從事中郎 征馥傳作鎮

卞敦傳

及勒寇彭澤 本紀云攻陷下邳是也
明帝之討王敦也以爲鎮南將軍假節 本紀云右將軍

下敦守石頭與此異袁瓌傳王敦平爲鎮南將軍下敦
傳同

庾亮傳

戰於建陽門外 本紀庾亮又敗於宣陽門內

寇陷邾城亮陳謝自貶三等行安西將軍有詔復位尋拜

司空餘官如故固讓不拜 本紀亮爲司空在咸康四年

五月趙陷邾城在五年九月此書拜司空在邾城既陷

之後未免失次

三子彬義蘇

彬庾氏譜作會

世說方正篇注

庾義傳

雜識五

六月河精舍叢鈔

初爲吳興內史 義又爲會稽內史見庾楷傳吳國內史

見南史本傳失書

子準 寶泉述書賦注云準字彥祖

準子悅義熙中江州刺史 宋書悅傳云以口廣口之功

追封新陽縣五等男此失書

庾懌傳

贈侍衛將軍 侍字下疑有脫誤

庾冰傳

出補吳興內史 興一作國國字是也

以本號除都督江荆寧益梁交廣七州豫州之四郡軍事

領江州刺史假節鎮武昌 康紀都督荊江司雍益梁六州諸軍事江州刺史與此異

庾希傳

太和中希為北中郎將徐兗二州刺史 紀在隆和元年

此云太和誤又興元元年希加都督青州諸軍事此失

書

庾翼傳

授都督江荆司雍梁益六州諸軍事 穆紀都督江荆司

梁雍益寧七州疑後所增督也

破蜀將季桓於江陽 康紀作李恒

雜識五

元月河精舍叢鈔

桓豁傳

逐太守桓淡據苑城以叛 苑當作宛

桓石虔傳

太元十三年卒 本紀十四年誤蓋為荊州石民非石虔

也

桓振傳

後與馮該子宏自出涓城 据桓元傳乃符宏非馮宏也

桓石民傳

與石虔攻符堅荊州刺史梁城等於竟陵 城當作成

成

尋而苻堅敗於淮肥 堅敗石民未口荆州之前此誤當
作尋而苻堅敗亡

桓石綏傳

走江西塗中 當作涂中

後爲梁州刺史傅歆之所殺 宋書傅弘之傳作傅韶

桓沖 又從溫破姚襄及虜周城 城當作成

堅使其將郝貴守襄陽 本紀作郝貴

又遣上庸太守郭寶伐堅魏興太守褚垣上庸太守段方
並降之新城太守麴常遁走三郡皆平 据本紀此事在

太元九年傳列于此未免失次

雜識五

三月河精舍叢鈔

王坦傳

追贈安北將軍 謝濤墓誌作平北

荀崧傳

潁川臨潁人 荀彧傳云潁陰人

父頽羽林右監安陵鄉侯 据彧傳頽嗣廣陽鄉侯非安

陵鄉侯也

荀羨傳

穆帝又以爲撫軍參軍 穆帝當是簡文帝之誤

尋遷建威將軍吳國內史 本紀作建武

時年二十八 宋書謝晦傳二十七南史作二十九並誤

及慕容儁攻段蘭于青州 蘭當作龕

升平二年卒時年三十八 二年當作三年說見前

范汪傳

除都督徐兗青冀四州揚州之晉陵諸軍事 本紀都督

青兗徐冀幽五州

劉惔傳

宏弟漢字沖叔 晉諸傳贊漢作漢沖作仲 魏志管輅傳注

張憑傳

祖鎮蒼梧太守 張蒼梧碑曰字義遠泰安中除蒼梧太

守討王含有功封興道縣侯

雜識五

三月河精舍叢鈔

王舒傳

時敦被徵為秘書監 敦傳云永嘉初徵為中書監此誤

王允之傳

除建武將軍錢唐令 王羲之與郗公書作建威

王廙傳

子頤之嗣 謝濤墓誌云字脩年

胡之子茂之 南史王裕之傳云字興元

王彪之傳

長安人雷弱兒梁安等詐云殺符堅荷眉 符堅當是符

健之誤

虞潭傳

除祈鄉令

劉弘傳作汴鄉

水經注作祈鄉祈鄉屬新城太康地志作汴

蘇峻反加潭督三吳晉陵宣城義興五郡軍事

三吳會

稽吳郡吳興也并晉陵等三郡凡六郡此云五郡誤

顧眾傳

父祕交州刺史

晉百官名云字公眞

從弟護軍將軍颺爲威遠將軍

護軍將軍當依王舒傳

作護軍參軍是時庾亮爲護軍將軍颺蓋亮之參軍也

陸暕傳

代紀瞻爲尙書左僕射

左當作右

是時荀崧爲右僕射

雜識五

三月河精舍叢鈔

成帝踐跣拜左光祿大夫

左帝紀作右

陸玩傳

轉尙書左僕射

据本紀在咸和五年傳載於蘇峻反之

前誤也

諡曰康

陸玩別傳云贈太尉

07135

讀書雜識卷第五

終

勞檢校字

